

## UGOVOR O MEĐUSOBNOJ SARADNJI

Zaključen dana 03.02.2023. godine u Sarajevu između:

1. **Sindikat policijskih službenika Federalne uprave policije**, sa sjedištem u ul. Mehmeda Spahe broj 7, u Sarajevu (u daljem tekstu: **Sindikat policijskih službenika FUP-e**), zastupan od strane predsjednika Upravnog odbora Aldina Sinanovića  
i
2. **Hustel d.o.o.** Sarajevo, sa sjedištem u ul. Ćurčiluk veliki broj 31, Sarajevo (u daljem tekstu: **Hustel**), zastupan od direktora Husnije Tucaka.

### Član 1.

Hustel se obavezuje da u svojim prodajnim objektima na području BiH, prodaje robu iz asortimana članovima Sindikata policijskih službenika FUP-e kupcima, na temelju ovjerene potvrde o zaposlenosti ili ovjerenog spiska radnika koji je sastavni dio ovog Ugovora, uz lični identifikacioni dokument koji radnik predočava prilikom kupovine.

Spisak članova Sindikat policijskih službenika FUP-e će ažurirati u slučaju promjena, te će se na istom nalaziti samo članovi Sindikata policijskih službenika FUP-e.

Prodavac će članovima vršiti prodaju roba po važećim maloprodajnim cijenama uz dodatni popust koji se utvrđuje prilikom kupovine ovisno o vrsti i seriji robe, vodeći računa da krajnja cijena bude konkurentna trenutnim cijenama na tržištu.

Prodavac vrši prodaju roba u svojim prodajnim prostorijama.

### Član 2.

Sindikat policijskih službenika FUP-e će omogućiti Hustel da uz predhodni dogovor sa odgovornim licem vrši dostavu reklamnog materijala kojim će se članovi informisati o kupovini. Sindikat PSFUP se obavezuje da će nakon uspostave internet stranice sindikata [www.spsfup.ba](http://www.spsfup.ba) u djelu stranice "ugovoreni partneri sindikata" istaći naziv, adresu i djelatnost "HUSTEL d.o.o" sa naznakom o ponuđenim benefitima za članove Sindikata. Također se obavezuje i zadržava pravo da putem facebook i instagram stranice sindikata svojim članovima i pratiocima pruži podatke o benefitnom odnosu članova Sindikata kod "HUSTEL d.o.o".

### Član 3.

U slučaju prestanka članstva za nekog od članova, Sindikat policijskih službenika FUP-e će blagovremeno obavijestiti Prodavca o prestanku članstva.

### Član 4.

Obje strane zadržavaju pravo na jednostrani raskid Ugovora u slučaju neizvršenja ili neurednog izvršenja ugovornih obaveza, ili u drugim slučajevima kada je izvršenje Ugovora postalo nemoguće. Ugovorna strana koja traži raskid Ugovora dužna je da o tome u roku od 30 dana unaprijed, pismeno obavijesti drugu ugovornu stranu.

#### Član 5.

Ovaj Ugovor se zaključuje na period od 2 (dvije) godine uz klauzulu automatizma u primjeni i za svaku sljedeću godinu, ukoliko ga niti jedna od ugovornih strana pismeno ne otkáže.

Ugovor se primjenjuje od dana kada ga potpišu obje ugovorne strane.

Izmjene i dopune kao i preciziranje pojedinih odredbi ovog Ugovora vrše se u formi anex-a po rastućem broju.

#### Član 7.

Za sve eventualne nesporazume ugovorene strane će rješavati sporazumno, te u slučaju eventualnih sporova nadležan je Sud u Sarajevu.

#### Član 8.

Ovaj Ugovor sačinjen je u 4 (četiri) istovjetna primjerka od kojih svaka strana zadržava po 2 (dva) primjerka.

#### PRODAVAC

„HUSTEL“ d.o.o. Sarajevo

DIREKTOR

Hushija Tucak



#### SINDIKAT PS FUP-e

Predsjednik Upravnog odbora

Aldin Sinanović



Datum: \_\_\_\_\_